

Molimo oa Hlôla . . .



Sabatha Mantsiboea

Bakeng sa Thuto ea Beke ena Bala:

Genese 1–3, Lik. 17:28, Ps. 148, Ps. 24:1, Gen. 4:1–9, Matt. 22:37–39, Tšen.14:7.

Temana ea Khopolo:

“Ea tubang mofutsana o nyelisa ‘mōpi oa hae; empa ea molemo ho molemo ho mofumanehi oa mo rorisa” (*Liprovebia 14:31*).

Na u se kile oa sebeletsa ho hlahisa ntho e ’ngoe—mohlomong ntho e takiloeng kapa mosebetsi oa matsoho, lijo, kapa mosebetsi o mong fela oa tlahiso—e be motho eena o hlaha koana a fihle a senye kapa motho eo mo etselitseng a o hane? Haeba ho joalo, u na la karoloana fela ea hore na Molimo o ile aikutloa joang ha etsa lefatše le ho bathoa bophelo, e be o bona seo a se entseng se sengoa ke sebe. Bibe le re bolella hore lefatše le hlotsoe ka hloko ’me ho bile “molemo haholo.” Seo Molimo a ileng a ikutloa a le sona se hlakile tlalehong ea tlholeho ho Genese 1 le 2. Ke ka maikutlo ana re lokelang ho bala pale ea ho Oela ho Genese 3 le ho robaha pelo ha Molimo ha toba batho bao ba bopileng.

Se makatsang, lefatše la rōna le tsoela pele ho ntho eo Molimo a e ratang, leha lilemo tse baloang ka likete tsa sebe, pefo, ho hloka toka, le bokoenehi bo totobetseng. ’Me se hlollang ka ho fetisisa, ha Molimo a etsa morero oa topollo ho lopolla le ho bopa bocha lefatše, O re file, joalo ka balumeli, karolo eo re lokelang ho e bapala ho phethahatseng morero oa hae o moholo. E, re ba-amoheli ba mohau o hae; empa, ho tsoa mohaung oo re o amohetseng, re filoe mosebetsi oo re lokelang ho o etsa re le basebetsi ’moho le Morena. A boikarabello bo mahlonoko ruri!

**Ihute thuto ea beke ena ho lokisetsa Sabatha sa la 6 Phupu.*

Molimo: Ho nyarela tlholeho

Lefatše lena le bophelo bohle bo ho eona, bophelo ba rōna le seo re se etsang ka bona, bophelo ba bohle ba re potileng le ka moo re phelisanang le ba bang, bophelo ka bo bona le ka moo bo pheloang hantle kateng—tsena tsohle li qala ka Molimo, “‘Hobane ke ka eena re utloang, re sisinyehang, re leng teng’” (Lik. 17:28). Ke hona mona moo pale ea Bibe e qalang teng: “Tšimolohong, Molimo o no o hlole maholimo le lefatše” (Gen. 1:1). ‘Me taba ea hore o ile a bua lintho tsa etsahala e supa matla le mokhoa oo re ke keng ra o lekanya. Leha ho joalo, Molimo o ne a sa emella thoko ha a hlola; O ne a le keneletse, haholo ha ho tuoa popong ea motho oa pele (sheba Gen. 2:7).

Bala pale ea popo ea motho oa pele ho Genese 1:26–31. Ke lintho life tsa bohlokoa tseo tlaleho ee e re bolellang tsona ka Molimo? Ke lintho life tsa bohlokoa tseo e re bolellang tsona ka batho?

Ho boletsoe ka makhethlo hore re ka ithuta tse ngata ka Molimo ka ho nka nako tlholehong, ho tsooa ho boheng fela tlholeho ea hae, le ho bona ho eona hanyane semelo sa ‘mōpi ka bo eena. Empa hape re ka bona hanyane ka moo Molimo a hlotseng lefatše ka ho hlahloba kutloisiso ea rōna ka Molimo. Ka mohlala, haeba Molimo ke Molimo oa tlhophiseho, re lokela ho lebella ho fumana tlhophiseho tlholehong ea hae. Kapa haeba re lumela hore Molimo ke Molimo o etsang tse hlollang, ha rea lokela ho makala ho fumana tse hlollang mehlaleng ea botsibi ba hae lefatšeng leo a le entseng.

Ka tsela e tšoanang, re lumela hore Molimo ke Molimo oa likamano, ‘me re fumana likamano e le ntlha ea motheo eo Molimo a tlisitseng lefatše ‘moho. O hlotse motheo ka mong oa lefatše ho amana le tlholeho eohle. O hlotse liphoofolo ka kamano e lumellanang. O bopile batho ka likamano le Eena, le ba bang, le tlholeho ka kakaretso. Leha kutloisiso ea rōna ka Molimo e na le likhaello ka litsela tse ngata, seo re ka se bonang ka semelo sa hae se lokela ho re qholotsa hore re nahane hore na lefatše le lokela ho ba joang.

Kutloisisong ea hao ho thusa ha kae ka lefatše, ho le bona e le sesupo sa semelo sa Molimo, leha tšenyoe ea sebe e phahame ha kale?

Lefatše le Phethahetseng

Ho bonolo ho hloloheloa lehae la Edene. Ho na le se seng tshalosong e khutšoanyane ea serapa seo Molimo a se entseng e le lehae la Adama le Eva se qholotsang lenyora leo lipelong tsa rōna. Re ka 'na ra se ke ra utloisisa hore na lefatše le joalo le ka sebetsa joang, empa re utloa re batla ho ba le maiphihlelo ao. Ho bonahala taba ea khotosfalo le ho phetheha hape e ne e le se seng seo Molimo a ileng a se utloa: “Molimo oa bona tsohle tseo o li entseng hoba li molemo haholo” (Gen. 1:31). Molimo o ile a etsa ntho e 'ngoe e neng e le ntle le ho sebetsa. Le ne le hloliloe ka mokhoa o hlolang, ka sebopeliso le ka ho sebetscha. Le ne le tletse ka bophelo le 'mebala, empa hape le tletse ka sohle se hlokehang bakeng sa bophelo le ntlafalo. Ha ho makatse ho bona hore Molimo o ne a khafutsa hangata le ho boha hore lefatše leo a le etsang le molemo.

Bala Genese 1. U nahana ho boleloa eng ka polelo ee e phetoang hangata “Molimo oa bona hoba ho molemo”? Sheba Gen. 1:4, 10, 12, 18, 25, le 31.

Leha kaofela ha eona e ngotse ka mora ho oela ha motho, Bibe e tletse ka ho ketekoa ha lona lefatše lena, joalo ka ho Jobo 38 le 41 le Ps. 148. 'Me re lokela ho hopola hore tsena ha li ea ngolosa fela e le ho re hopotsa morao hore na lefatše le ne le joang ha le sa tsoa hloloa pele ho sebe; lingotsoe ka polelo tsa bojoale, ho keteka molemo o ntseng o bonahala lefatšeng la rōna. Jesu, le eena, o nkile mehlala ea molemo oa Molimo le tsotello ho tsoa linthong tsa tlhohelo (sheba, ka mohlala, Matt. 6:26, 28–30), ha a bua ka ho itšetleha ha rōna ho Molimo le ho ananela limpho tse bobebe tse re potileng. Ha re ka bula mahlo a rōna le ho sheba limaka tsa tlhohelo, re ka bona hore e hlile re ba amoheli ba limpho tse hlolang tsa 'mōpi. Karabo ea rōna, le hara liteko, e lokela hoba ea teboho, le poko, le boinehelo ba boikokobetso ho monehi oa lineo. Re le Baleti ba bolokang letsatsi la bosupa—bao bobeli re ketekang tlhohelo le ho kenella ho tla lekhetlo la bobeli ha 'muso oa Molimo—re lokela ho hlokomela hore li ntle, thabo, le molemo tseo re li bonang lefatšeng ke ho latsoa hanyane fela seo lefatše la rōna le tlang ho ba sona hang hape.

Maiphihlelong a hao a lefatše lena, ke eng eo u e ananeng haholo ka tlhohelo? Bophelong ba hao ba letsatsi ka leng, ke joang u ka khonang ho tseba Morena ha holoanyane ka limaka tsa lefatše ka bo lona?

Liqhoku tsa Lefatše

Ho latela tlaleho ea Bible, serapa sa Edene le lefatše le tla boptjoa bocha ke libaka tsa khaphatseho, ho bopeloa bophelo le ntlafalo 'me mohlomong ho batho hore ba nyakalle. Empa Molimo hape o file monna le mosali oa pele — le rōna bohle ba tlang ka mora bona—karolo e re lokelang tlhohong ea hae. Kapele ho ea hlaka—e seng fela ho tsoa tlhohong ea hae—hore Adama le Eva ba ne ba na le boemo bo khethehileng lefatšeng lena le lecha. Adama pele o ile a fuoa mosebetsi oa ho reha liphoofole le linonyana mabitso (sheba Gen. 2:19). Eaba o fuoa boikarabello bo bong ka mora boo, bo hlahisoang e le tlhoholofataso ho tsoa ho Molimo ka sebele: “Molimo oa ba hlhonomolofatsa, 'me Molimo oa re ho bona: ‘Ngatafalang, le ate, le tla lefatšeng, le rene holim’a lona 'me le buse lihlapi tsa leoatle, le tse rurang tsa maholimo, le tsohle tse phelang, tse hahabang lefatšeng’” (Gen. 1:28).

Genese 1:28 le 2:15. Ke joang u lekanyang tlhaloso ea mosebetsi oa motho ka polelo e 'ngoe kapa tse peli?

Hangata nalaneng ea Bokreste, Genese 1:28 e sebelisitsoe ke ba bangata e le tumello ea ho hatella, le ho isa boemong ba ho senya lefatše lena. E, lefatše ho hlakile le hloletsoe ho phela ha batho, le molemong oa bona, le ho nyakalleng ha bona. Empa boikarabello ba batho ke ho “le lema le ho le hlokomela”—ka mantsoe a Genese 2:15.

Ha re bua ka boqhoku, mohopolo oa rōna oa pele hangata ke chelete, empa taelo ea pele ea boqhoku ka Bibeleng ke ho hlokomela lefatše leo Molimo a le entseng a ba a re bea bohlokomeling ba lona. Taelo ho Adama le Eva hape e ile ea ela hloko hore lefatše le tla arolelana le bana ba bona le meloko e tlang. Morero oa sethathong bakeng sa lefatše, lefatše le hloliloeng le tla tsoela pele e le mohloli oa bophelo, molemo, le botle bakeng sa batho bohle, le Adama le Eva ba ne bana le boikarabello bo bohlo ba ho le hlokomela.

Lefatše e ntse e le la Jehova (sheba Ps. 24:1), 'me re ntse re biletsoa ho ba liqhoku tsa tsohle tseo Molimo a re fileng tsona. Mohlomong re ka etsa qeto le teng, ea hore, lefatšeng la rōna le oeleng boikarabello ba rōna bo bohloanyane.

Ho bolela eng ho uena ho ba qhoku ea lefatše, lefatšeng le oeleng le hona? E joang ho hlokomela boikarabello boo ho amang mokhoa oo u phelang ka oona letsatsi ka leng?

Lefatše le Soahlamane

Ntho e le 'ngoe eo Molimo a ileng a e fa Adama le Eva eo a sa kang a fana ka eona ho eng kapa eng, ke bolokolohi ba ho khetha. E ne e le libopuo tse nang le boikhetlo ka tsela eo limela, liphoofolo, le lefate li ke keng tsa ba le bona. Molimo a bona bolokolohi bona ba ho khetha e le ntho ea bohlokoa hoo a ileng a lumella khonahalo ea hore batho ba khethe ho se Mo mamele. Ka ho etsa joalo o ne a beha tlokotsing sohle a se hlotseng ka sepheo se sehlo sa likamano le batho bao a ba bopileng ka lerato le boithatelo. Empa hape ho ne ho na le mosenyi (bolokolohi ba ho ikhethela e ne e le ba mangeloi hape), ea neng a batla ho senya molemo le ho phethahala ha lefatše, leo Molimo o le entseng le ho sebelisa tlhohleho e khetheleng ea Molimo lefatšeng-haholo batho—ho etsa joalo. Ha a bua ka noha, diabolose a tliša lipotso holima ho phetheha le khotsofalo ea seo Molimo o faneng ka sona (*sheba Gen. 3:1–5*). Teko ea mantlha e ne e le ho lakatsa ho feta seo Molimo a faneng ka sona, ho belaela ka molemo oa Molimo, le ho itšetleha matleng a bona. Khethong eo le ketsong eo, likamano tse neng li le bohlokoa tlhohlong joalo ka ha Molimo a ne a rerile li ile tsa pshatleha. Eaba Adama le Eva ha ba sa natefelo ke kamano eo bona le 'mōpi ba neng ba e reretsoe (*sheba Gen. 3:8–10*). Batho ba babeli bana hang ba iphumana ba le fela 'me ba le lihlong, 'me likamano lipakeng tsa bona tsa senyeha hampe hoo e neng eka ho keke ha loka. Likamano tsa bona le lefatše li ile harasana tsa putlama.

Bala Genese 3:16–19. Litemana tse li re bolella eng ka likamano tse fetohileng lipakeng tsa batho le tlhohleho ea lefatše?

Ka lebaka la boteng ba sebe, bophelo bo ile ba ba thata bakeng sa Adama, Eva, le bohlo ba tlhohleho. Litla-morao tsa sebe tsa senya, haholo ha li ama batho le likamano tsa rōna. Ka tsela e itseng, re hule le Molimo le 'mōpi. Malapa a rōna le oona a amehile ka litsela tse ngata, 'me likamano tsa rōna le ba bang hangata ke qholotso. Re sokola le ho amana le tikoloho le lefatše leo re phelang ho lona. Mahlakore ohle a maphelo a rōna le lefatše li bontša ho soahlamana ho bakiloeng ke sebe.

Empa ke mokhoa oo Molimo a hlotseng lefatše hore le joalo. “Thohako” ea Genese 3 hape e tla ka tšepiso ea hore Molimo o tla etsa tsela ea ho bopa bocha lefatše la rōna le ho lokisa likamano tse sentsoeng ke sebe. Ha re ntse re tsoela pele ho sokola ke sebe le litholoana tsa sona maphelong a rōna, re biletsoa ho phahamisa boleng ba pele ba molemo oa lefatše le ho batla ho phela morero oo Molimo a o reretseng lefatše lena.

Ta Tepo ea Lelapa la Botho

Ka mora ho kena ha sebe, ha ho ea nka nako e telele hore lefatše le tsoele pele ho soahlamana. Ka lebaka la mohono, ho hloka mamellano, le khalefo, polao ea pele e ne e ama bana ba babeli ba motho. Ha Molimo a botsa Kaine ka sebe sa hae, karabo ea hae ea makatsa e bile e ikarabile—“‘A ke molisa oa ngoan’eso?’” (Gen. 4:9)—‘me karabo e neng e boleloa ke potso ea Molimo ea mathomo e ne e le hore, “E, ruri, o molisa oa ngoan’eno.”

Bala Liprov 22:2. Ke eng se boleloang ke polelo e bonolo ee? E re bolella eng ka likamano tsa rōna le batho ba bang?

E mong le e mong eo re kopanang le eena ke sebopuo sa Molimo, se entsoeng ka setšoantšo sa oona, ’me ke karolo ea tepo ea likamano tse re hokahanyang le bohle tlhohong ea Molimo, leha re nonyetsehile re senyeha. “Bohle re hokahantsoe hammoho tepong ea botho. Bobe bo hlahelang karolo efe kapa efe ea botho bo tlisa tlokotsi ho bohle.”—Ellen G. White, *The Ministry of Healing*, p. 345. Re rata kapa re sa rate, ka lebaka la khokahano ena e tsoanang, re na le boikarabello boo re bo filoeng ke Molimo-ho Molimo le batho ba bang (sheba Matt. 22:37–39).

Hohle ka hara Bible, taba ea hore Molimo ke ‘mōpi oa rōna e hlaha khafetsa. Ka mohlala, ke le leng la mabaka a fanoeng la ho hopola Sabatha (sheba Exod. 20:11) le ho khumamela Molimo nakong ea ho qetela (sheba Tšen.14:7). Hape ke tšusumetso ea motho ea ho tsoella ba bang, ho khathatseha ka ba se nang menyetla eo re nang le cona. Bohle re hokahangoa ke tlhaho ea rōna e tsoanang ho Moimo. Ea “tubang mofumanehi o soma ka ‘mōpi oa hae, empa ea molemo ho mofumanehi oa mo rorisa” (Liprov. 14:31). Khokahano eo e be e ka hlaka ho joang ho feta moo? Molimo e le ‘mōpi oa rōna e na le tokelo holim’a rōna ea ho batla maphelo a rōna ohle, ho kenyeletsa le khumamelo, basebeletsi le tlhokomelo ho ba bang. Leha e ka ba thata, ea ferekanya, le ho se lumellehe ka linako tse ling, ruri, re balisa ba bana babo rōna.”

Hobaneng u nahana hore boipolelo ba Molimo e le ‘mōpi ke ntho e hlahang khafetsa ka hara Bible? Hobaneng see se le bohlokoa, ’me ke joang sena ele nnete ea ka moo re tsoarang ba bang kateng?

Ho Ithuta Haholoanyane:

Bala Ellen G. White, “The Creation,” pp. 44–51, ho *Patriarchs and Prophets*. “‘Molimo o lerato.’ . . . semelo sa hae, molao oa hae, ke lerato. E sa le ho le joalo; ho tla ’ne ho be joalo. ‘Ea phahameng ea halalelang, ea hlohang ka ho sa feleng,’ eo ‘litsela tsa hae li hlohang ka ho sa feleng’ ea sa fetoheng. Eo ho eena ‘ho seng tika-tiko leha e le seriti sa ho fetoha.’ . . . ‘Tšenolo e ’ngoe le e ’mgoe ea matla a tlhoho ke ponahatso ea lerato le se nang tekanyo. Matla ohle a Molimo a kenyeletsa ho phethahala ha litlholohonolofatso libopuoeng tsohle tse hloliloeng.’—Ellen G. White, *Patriarchs and Prophets*, page 33.

“Ha batho ba ne ba ka etsa boikarabello ba bona e le liqhoku tse tšepahalang tsa thepa ea Morena oa bona, ho ne ho ke ke ha ba le ba lilelang bohobe, ba utloang bohloko ke ho hloka chelete, ba hlobotseng le ho hloka. Ke ho se tšepahale batho ho tlisang boemo ba bohloki boo botho bo leng ka hara bona. . . . Molimo o entse batho liqhoku tsa hae, ’me ha a lokela ho qosoa ka bohloko, masisa pelo, bofela le bohloki ba botho. Morena o fane ka se lekaneng bakeng sa bohle.”—Ellen G. White, *Welfare Ministry*, p. 16.

Lipotso tsa Puisano:

1. Sheba ka hloko polelo ea ho qetela ea Ellen White polelong e ka holimo. Hantle o re’ng? Ke mang hantle eo a reng o jara bokarabello ba bofuma bo bokaale boo re bo bonang? See se likela ho re bolella eng ka bohlokoa ba botšepahi ba boqhoku?
2. Ka mora likete tsa lilemo tsa ho senyeha ho bakiloeng ke sebe, ho khonahala ha kae ho rōna ho bona molemo oa tlholeho? Re le batho ba lumelang ho ‘mōpi, Molimo, re ka etsang ho thusa ba bang hore ba bone molemo oa tlholeho ea hae?
3. U utloisisa eng ka lentsoe lee Boqhoku? Na ho na le se seng bekeng ee se ekelitseng monahano oa hao ka se boleloang ka ho ba qhoku, haholo ha re bitsitsoe ke Molimo?
4. Ho ne ho ka fetola joang tsela eo re amanang ka eona le ba bang ha e ne e ba re ka bona pontšo ho motho e mong le e mong eo re kopanang le eena e re hopotsang hore motho eo o entsoe ka setšoantso sa oona ’me e bile oa mo rata”?

Kakaretso: Molimo o bopile lefatše le phethahetseng, ’me a khetha batho, ba entsoeng ka setšoantšo sa hae, ho le “Iema le ho le hlokomela” bakeng sa tlholeho ea hae. Leha sene se sentse likamano tseo Molimo a neng a li rerile e sa le pele bakeng sa rōna, re ntse re na le karolo eo re ka e bapalang re le liqhoku tsa melemo ea tlholeho le bahlokemeli ba batho ba bang. Ho phethahatseng boikarabello bona ke tsela e ’ngoe ea ho tlotlisa Molimo e le ‘mōpi oa rōna.